



AUZO BILERAK 2025

AUZO: Arragua

Data	Hasiera ordua	Bukaera ordua
2025/10/07	18:00	20:00

BILDUTAKOAK:

Udal ordezkariak:	Joana Mendiburu, Edorta Fernandez, Ekain Susperregi			
Herritarrak: 27	Euskaraz: 23		Elebitan: 5	
	Emakumezkoak: 14		Gizonezkoak: 14	
	<30 urte: 5	31-50 urte: 9	51-65 urte: 9	>66 urte: 5

AKTA:

Gaia	Ekarpena eta iruzkinak
Aurkezpena	Batzarrean landuko diren gaiak aurkeztu dira.
Legealdi planaren jarraipena	Legealdi erdiaren balorazioa egin ahal izateko esan behar da gaur egun herrian dugun guztia, urtez luzez udal honek egin duen ibilbidearen ondorio zuzena dela. Aurrekoek egindako lanen uzta. Guk lekukoa hartu dugu eta ildo horretatik lanean dihardugu. Horregatik, Oiartzunen ditugun zerbitzuen berri ematea eman nahiko genuke, izan ere, herri bereziki aberatsa da zerbitzu publikoei dagokienean. • Etxez etxeko zerbitzua, bertan 17 udal langilek lan egiten dute eta momentu honetan 79 onuradun ditugu. • Zaintzadi; bakardade ez hautaturen prebentzio lanetan lan egiten du. Esku hartze zuzenak egiteaz gain, komunitatea aktibatu eta auzoz auzo taldetxoak sortzen ari dira. • Landetxe, 2023an inauguratu zen, urtean 200 ekitaldi eta 11.500 ikusle izan ditu. Aipatzekoa da ekintzen %71 herri eragileek programatutakoa dela. • Udaleko ur zerbitzua, udalak berak kudeatzen du herriko ur hornidura. 300km hoditeria ditugu eta hauen mantenua ere egin behar da.



- **Ludoteka, gazte topaleku eta udal udalekuak.** Ludotekan hilabetera 200 bat haur ibiltzen dira, topalekuan 500 bat gazte hileko eta udalekuetan 400 haurrek parte hartzen dute.
- **Udal ikastola partzuergoa:** 0-3 urte bitarteko haur eskola zerbitzua.
- **Kiroldegia eta kirol azpiegiturak,** 5000 bazkide ditu gaur egun kiroldegia eta hilean 18.000 erabiltzaile inguru.
- **Beilatoki publikoa,** beste herrietan zerbitzua pribatizatuta dago, gure kausan, udalarena da eta horrek erabilera eta prezio publikoak finkatzeko aukera ematen du.
- **Arditturriko minak,** bisitak guk kudeatzen ditugu.
- **Soinuenea eta Luberri** fundazioko kide da udala.
- **Arritxuloko** aterpetxea.

Lekukoa hartu eta lan egiteko modu berari jarraiki, legegintzaldi honetan honako **proiektu hauek burutu dira:**

- **Ferminene,** ongizatearen etxea inauguratu dugu.
- **Herritarren Arretarako** gunen berria martxan jarri dugu. 450 bat herritar artatzen ditu eta 2 700 inguru dei izaten ditu hilabeteetan.
- **Gazte topalekuarekin** jarraituz, zerbitzua zabaldu da eta sexu aholkularitza zerbitzua txertatu da.
- **Kulturartekotasuna eta euskarari** dagokionez, Uda Plazan egitasmoa martxan jarri dugu haur etorri berriak euskaraz murgiltzeko, guraso etorri berrientzat ere doako euskara ikastaroak eskainiko dira eta Mugaldeko Udaleku Ibiltariak ere antolatu dugu, mugaz gaindiko nerabeen saretzea euskaraz sustatzeko.
- **Ongizatearen** alorrean, hotzaren aurkako kanpaina martxan jarri dugu, neguan kale egoeran dauden herritarrei aterpea emateko, Lezo eta Pasaiarekin batera kale egoeran bizi direnentzat aterpe berria egin dugu eta arretarako itxaron zerrenda murriztu dugu.
- **Emakumeentzako arreta juridikoa** ematen duen zerbitzua ere martxan jarri dugu. 32 emakume artatu dira eta urte amaiera arte agenda beteta dago.



- **Bitartekaritza zerbitzua** ere sortu dugu bizilagunen artean egon litezkeen egoera gatazkatsuak bideratzeko asmoz.
- **Merkataritza txikia** sustatzeko dirulaguntza lerroa martxan jarri dugu. 35.000 euro azken bost urteetan irekitako negozioentzako. 16.000 euro banatu dira bost onuradunen artean eta horietako bat okupazio berria da.
- **Mugikortasun eta energia planak** onartu eta gauzatzen hasiak gara dagoeneko. Rafael pikabea kalean konponketak egiten ari gara, Kiroldegian eguzki panelak jarri dira eta auzoetan bizikleta aparkalekuak jarriko ditugu.
- **Hirigintza** planei dagokionez, herritarrekin landu dira Arraguako eta ELI6ko garapen urbanistikoak.
- **Naturguneen azterketa** ere egin dugu. Bioaniztasunaren diagnostiko bat egin dugu, suteak prebenitzeko larre planarekin jarraitzen dugu eta bertako landareria landatzeko pinuak eta haritz amerikarrak erauzi dira 30 Ha.

Jakingo duzuen moduan legegintzaldi hasieran **Oiartzun Burujabe** izeneko prozesuan sartu zen udala eta honako proiektu hauek garatu dira bertatik:

- **Energia bulegoa** jarri da Mendiburu kalean. Astelehenetan hitzordua eskatuz lan egiten dute, etxeko fakturak aztertzen dira. Datu moduan, batz best 400 euroko aurrezkia lortu dute bertara joan diren Oiartzuarrek.
- **Udan ordaindutako praktikaldia** egin dute 7 gaztek lehen sektorean.
- **Udal musika eskolari** dagokionez, Ibargain musika eskolari eta Soinueneako musika eskolari jarraipena emango dien proiektua gauzatu da.
- **Liburutegia** eraberritzeko parte hartze prozesua egin da, urte eta erdi inguru iraun du eta herriko sektore ezberdinak gonbidatu dira saioetan parte hartzera.
- **Zaintzaren** inguruko ekintza plana ere abendurako izango dugu, bertan gai honetan hobetzeko eman behar diren pausuak zein diren bilduko da.

Herritarrekin lotura duten proiektu hauez gain, azpiegiturei lotutako beste hainbat **inbertsio** ere egin dira: Ugaldetxoko futbol zelaia berri da, Ugaldetxoko poligonoetako bidegorria egin da, Ugaldetxon beste bi lotura berri



egin zaizkio bidegorriari, Elizalde Ikastetxeko transpatioarekin lanean jarraitu dugu, ur hoditeria berrituko da Arraguan, Karrikako eta Ergoingo frontoiak atonduko dira, Altzibarko gunee estalia gauzatuko da eta ikasketa gela berria egingo da.

Dirulaguntzei ere aipamena egin nahi izan diegu aurten, Europako EDIL dirulaguntzen bidez 1.000.000 euro jaso dugulako bidegorria ardatz izanik lan ezberdinak egiteko: Arditurriko irteera tunelak berritzeko, Altzibar eta bidegorriko lotura berriak egiteko, Altzibarko gunee estalia eta bere ingurua atontzeko... Horrez gain, LIFE izeneko dirulaguntzara aurkeztu gara, Elizalde Ikastetxea berritzeko 5.000.000 euroko proiektu batekin.

2026 urteari dagokionez, **mugikortasunean** aurrerapausoak emango ditugu: Lanbarren eta Ugaldetxoko poligonoetako trafikoaren azterketa egin da eta orain hobekuntzarako proposamen zehatzak egingo ditugu. Helburua proposamen zehatzak Foru Aldundiko garraio eta azpiegituren sailera bideratzea izango da, haiena baita konpetentzia.

Hondakinei dagokionez, olio jasotzeko makinak jarriko dira. Olio ontzi berezietan bilduko dugu, makinak olio potoa jasoko du eta poto berri bat itzuliko digu, birziklatzen jarrai dezagun. Poligonoetako hondakin bilketa udalak kudeatuko du hemendik aurrera, birziklatze tasak asko hobetuko dira eta hondakinen tratamenduko gastuak gutxitu egingo dira, ondorioz hondakinen bilketan dugun defizita gutxitzen lagunduko du. Rafiazko poltsen sistema herri guztira zabalduko da Arraguako eta Rafael Pikabeako froga pilotua egin ondoren. Poltsa bana banatuko da hasieran (familia ugariei 2 poltsa), gehiago beharko balitz udaletxean eskatzea nahikoa litzake.

Burujabetzek ere segida izango dute 2026an: Haragi zirkuitu motza sortzeko proiektua aztertuko da, jangelak bertako produktuekin hornitzeko lanketarekin jarraituko da, Herriko zaintzaileen mapa osatuko da, energia berriztagarrien instalazio berriak aztertuko dira (hidraulikoa eta eguzkia) eta kultur agenda bateratuko duen aplikazio bat sortuko da.



	2026ko inbertsioei dagokionez, Altzibarko gunea estalia amaituko da, Ergoien auzoa bidegorria lortzeko bide berriak egingo dira, Altzibarren Artikutzako trenaren interpretazio gunea jarriko da, Arraskularre kaleko zoladura berrituko da, Zilar kalea eta autobus geltokirako bidea txukunduko da, bizikletentzako aparkaleku seguruak jarriko dira Arraguan eta EH plazan, haur parke bat estaliko da eta ikasketa gela eta liburutegia berritzeko proiektuak abiatuko dira. Etxebizitza plana dela eta aipatu nahi dugu hau ere hondakinen gaia bezala, ertz ezberdinetatik landu beharreko gaia dela. Promozio berriak herritarrekin landu dira eta landuko dira (ELI 6, Arragua, Iturriotz...), etxebizitza tasatuak zozketa bidez salerosteko neurriak hartu dira, etxebizitzaren inbentario zehatza egiten ari gara, etxebizitza turistikoak arautzeko neurriak hartuko dira eta jada hasiak gara Oiartzun eremu tentsionatu izendatzeko lanketarekin.
Ordenantza fiskalak eta aurrekontua	Lehengo urtean egin ziren aldaketa esanguratsuenak, aurten aldaketa gutxi egin dira. Gure helburuetako bat bada errenta baxueneko bizikidetza unitateak laguntzea eta honetarako salbuespen ugari jasota daude egoera zaurgarrian dauden herritarrak babeste aldera. KPIaren araberako igoera aurreikusten da, alegia %3koa. Ez ohiko azken igoera bat jasota dago hondakinen tasan, aurten %18ko igoera izango da. Lehengo urtean ere igoera berezia izan zuen tasa honek, Europako legearen eskakizunetako bat zerbitzuak defizitarioa ezin duela izan dioelako. Herritarrei aplikatuko zaien ez ohiko azken igoera izango da. Orain poligonoetako lanketa egingo baita. Aurrekontuei dagokionez, 2026rako udalak 21 milioi euroko aurrekontua izango du.
Auzoa	<u>Herritarren galderak aurkezpenean zehar:</u> Energia - Energia bulegoa astelehenetan dagoela irekia argitu da. Ur-hoditeria - Ur hoditeriaren berritzeak etxebizitzaren ur-eteteetan eraginik izango ez duela argitu da. Trafikoan soilik izango du eragina. Hondakinen bilketa - Rafiazko poltsak lapurtu egiten dituztela esan da.

- Herritar baten iritzia: Portal batean adibidez, oso jende gutxiri geratzen zaizkie. Poltsak zikindu eta usaia hartzen dute, deserosoa dela eta ez dela aurrerapauso bat. Erantzuna: Rafiazko poltsen jarraipenerako arrazoia eman da.
- Jendeak birziklatzen ez duela ikusten du auzotar batek, udalak inposatutako gai bat dela dio. Erantzun zaio %90ko birziklatze tasa dugula herrian eta sistema aldatuko ez dela.

Galdera-eskaerak:

- Etxebizitzaren obraren hasiera dataz galdetu du auzotar batek. *Urtebete barru hasiko dela argitu da. Obra hasi ondoren urbanizazio proiektua auzotarrekin konpartituko dela aipatu da. Herritar batek batzorde bat antolatzea proposatzen du obraren jarraipena egiteko udalarekin koordinatuta. Harrera oss ona izan du proposamen honek udalaren partetik.*
- VPO eta tasatuen zozketa noiz egingo den galdetu du auzotar batek. *Eusko jaurlaritzaren data ezin dugula jakin erantzun zaio.*
- Orain dauden aparkalekuekin zer gertatuko den jakin nahi dute auzotarrek. *Urbanizazio proiektuak esango digu zenbat plaza egongo diren.*
- Obra bitartean aparkalekuekin zer gertatuko den jakin nahi du auzotar batek. *Aurreikusi beharko da zer egin, ideia da obra hasi aurretik eta obrak irauten duen bitarte soilik, aldi baterako parkin bat sortzea.*
- Topoaren zarata neurtu den galdetzen du auzotar batek. *Zarataren neurketa orokor bat egin dela erantzun zaio eta dena kontuan hartuta etxebizitzaren beharrezko insonorizazioa egiteko neurriak hartuko direla. Topoarena neurketa espezifiko ez da egin.*
- AHTren proiektua nola doan jakin nahi du auzotar batek. *Duela 2 urte aurkeztu alegazioak aurkeztu genituela erantzun zaio eta gaur gaurkoz ez dugula erantzunik jaso.*
- Xorrolaren bidea anbulategi parean eroso ez dela dio auzotar batek. *Erantzun zaio Rafael Pikabearen obrarekin ibilbidea hobetuko dela.*
- Larrezabalen eta ganboxa aldean adineko jende asko ibiltzen da oinez eta kotxeak abiadura handian ibiltzen dira.
- Kotxeko gurpilak zulatzen ari omen da norbait (10 bat kotxe inguru). Labana sartzen dute eta kubiarta guztia aldatu behar izaten da. Bati, lau gurpilak kendu zizkieten azken urte honetan. *Udaltzainekin gaia landuko dela erantzun zaie.*
- Herritar baten kamerak jartzea eta publikoki erakustea proposatzen du. *Legezkoa ez dela eta egingo ez dugula erantzun zaio. Lart zabaleko kamerak guk ezin ditugu ikusi. Udaltzainei abisua pasako zaio.*
- Peatoien pasoa soterratzeko intentzioaz galdetzen du. *Kamioen ibilbidea aztertu da eta hobetzeko intentzioa dagoela erantzun zaio, baina lurrazpiko pasoa ez dira seguruak, ilunak eta zikinak dira.*



	Lanbarrenetik autopistara irteera eskatu da.
Itxiera	Bertaratzeagatik eskerrak eman dira.

BALORAZIO ORRIA:

Hizlariak: bileran zehar emandako azalpenak	8
Bilera ongi gidatu da	8
Bileran erabili den metodologiaren egokitasuna	8
Auzotar kopurua	5,5
Auzotarren partehartzea (ekarpenak egiten)	7,5
Saioa probetxugarria izan al da?	7,5
Egunaren egokitasuna	8
Orduaren egokitasuna	8
Lekuaren egokitasuna	8